

Powšitkowne WOZJEWJENJA

njedźelu, 4. meje 2014

TCM přeprašuje na mejski nyšpor do Róžanta

Towarstwo Cyrila a Metoda z.t. (TCM) přeprašuje wěriwych ze wšitkich wosadow tutu njedźelu, 4. meje, w 17.00 hodź. na mejski nyšpor do hnadowneje cyrkwe w Róžeńće. Chróšćanski cyrkwinski chór jón hudźbnje wobrubu.

Wjele je so w zašłosći wo Róžeńće rečalo a pisało. Ale wažnišo je, zo ze svojim wopytom putnisku cyrkej přeco zaso ze žiwjenjom pjelnimy. To je nadawk nas wšěch – wěriwych ze wšitkich serbskich wosadow.

Jurij Špitank, předsyda TCM

Duchowna hudźba z wosebitymi twórbami

Koncert w rjedže duchowna hudźba budže tutu njedźelu, 4. meje, we 18 hodź. w Budyskej cyrkwi Našeje lubeje Knjenje. Budyski organist a komponist Feliks Brojer zahraje na piščelach mjez druhim twórby Bacha, Elgara a Händela, počahujo so tematisce na jutrowny čas. Ale chce so tež wosebitym jubilarom cyrkwinskeje hudźby wěnować, kaž w swoim času sławnemu, džensa pak hižo lědma znatemu patrej Hartmannej von An der Lan-Hochbrunnej (1863-1914). Nimo toho zahraje Feliks Brojer někotre ze swoich nowych kompozicijow.

Džakna Boža mša wohnjowych wobornikow

Wohnjowe wobory zarjadniskeho zwjazka „Při Klósterskej wodže“ změja pjatk, 9. meje, w 19 hodź. džaknu Božu mšu w Róžeńčanskej swjatnicy. Wšitcy wobornicy a hosćo su wutrobnje přeprašeni.

Putnikowanje staršich a chorych ludźi do Róžanta

Putnikowanje staršich a chorych ludźi ze serbskich wosadow do Róžanta budže sobotu, 10. meje. Wot 13 hodź. je přiležnosć k swjatej spowědźi. Modlenje swjateho różowca započnje so w 13.30 hodź. Różowcej přizamknje so w 14 hodź. Boža mša, kotruž změje tachantski farar Wito Sćapan. Na nej wudžěli so tym, kotřiž sej to přeja, žalbowanje chorych. Po kemšach poskići so swačina.

Ekumeniski nyšpor w Drježdźanach

Wšitcy Serbja w Drježdźanach, jich při wuzni a přećeljo su wutrobnje přeprašeni na ekumeniski serbski nyšpor sobotu, 10. meje, ze superintendentom Janom Malinkom. Nyšpor budže w 15 hodź. w cyrkwi swjateho Józefa w Drježdźanach-Pieschenje, Rehefeldska 61. Po nyšporje zetkamy so w Šoćic kofejowni k bjesadze.

M. Bubnerjec

Džen wotewrjenych klóštrow

Rjadniske zhromadnosće po cyłej Němskej zarjaduja sobotu, 10. meje, „Džen wotewrjenych klóštrow“. Tak zhonja zajimcy na přikład pola klarisow w Budyskim klósterku – 10.00-12.30 hodź. a 14.00-16.30 hodź. – něšto z jich žiwjenja. W 12.30 a 16.30 hodź. pokazaja rjadnicy film „Das Privileg der Armut oder das Privileg arm zu sein“. Wopyt w swoim domje wočakuja tež sotry swjateje Hilžbjety w Drježdźanach pódla Chorownje swjateho Józefa, Nacaretske sotry w Goppelnje, Schönstattske sotry w Naundorfje kaž tež cistercienski w Marijinym Dole.

Nyšpor z požohnowanjom motorskich

Popołdnjo z požohnowanjom motorskich zahaji so njedźelu, 11. meje, w 14 hodź. z nyšporom w Ralbičanskej cyrkwi. Přizamknje so wulět.

Beneficny koncert we Łazku

Před kulisu Łazkowskeho niwoweho lěsa zarjadyje Towarstwo swjateje Filomeny njedźelu, 11. meje, w 14.30 hodź. beneficny koncert. Program wuhotuja Ralbičanscy pozawnisća, hudźbnik Měrcin Weclich, šulerjo Pančičanskeje zakładneje šule, muski chór Delany, Lajska dźiwadłowa skupina Šunow-Konjegy, Wudworska rejowanska skupina kaž tež awtoraj Monika Kochowa a Beno Budar. Wunošk wužije so za nakup małego busa, kotryž ma so we wjacorych socialnych zarjadnišćach w bołharskim Razgradze wužiwać.

Koncert „Pokoj na zemi“

Serbski ludowy ansambl (SLA) zarjadyje srjedu, 7. meje, w 19.30 hodź. w Budyskim Němsko-Serbskim ludowym dźiwadle koncert pod titulom „Pokoj na zemi“. W nim ma so hudźbnje na wopory dweju swětoweju wójnow spominać a k měrej na zemi namołwjeć. Tak zaklinča Bjarnata Krawcowa twórba „Ecce sacerdos magnus“, kompozicija Arnolda Schönberga „Pokoj na zemi“, kotraž zložuje so na baseń šwicarskeho basnika Conrada Ferdinanda Meyera, a Johanessa Brahmsowy „Rekwiem“. Koncert wuhotujetej chór a orchester SLA, kotrejuž podpěraja Coro di Praga a hudźbnicy Drježdźanskeje statneje kapaly. Solistaj budžetaj Romy Petrick (sopran) a Johannes Wohlrab (bariton). Cyłkowny nawod změje Gabriele Donà.

Putnikowanje serbskeje młodžiny

Putnikowanje dekanatneje młodžiny k maćeri Božej na lipje do Róžanta budže na njedźeli Swjateje Trojicy, 15. junija.

Koparski turněr serbskich młodostnych

Koparski turněr dekanatneje młodžiny budže sobotu, 21. junija, w Pěskecach. Zakop je w 10.00 hodź.

Ministrantska kopańca

Tradicionalny koparski turněr serbskich ministrantow budže lětsa sobotu, 5. julija, w Pěskecach. Započatk je w 9.00 hodź. z Božej mšu we wjesnej kapałce.